

ევგენი ჭანიშვილი

თსუ

დავით ალექსანიანი

აღმოსავლური ნუმიზმატიკის ასოციაციის წევრი

შაჰ აბას I-ის ზაგემის ზარაფხანის ახალი სამონეტო ემისიები

საქართველოში XVI საუკუნეიდან მუშაობას იწყებს კიდევ ერთი ქართული, ზაგემის,¹ ზარაფხანა, რომელმაც, როგორც ბოლო კვლევებით აღმოჩნდა, უხვი სამონეტო შემკვიდრება დაგვიტოვა როგორც ვერცხლის, აგრეთვე სპილენძის ემისიებში, რომელთა ახალი ცალები და სახესხვაობები აქტიურად ქვეყნდება მსოფლიოს სხვადასხვა სამეცნიერო კრებულში. თუმცა, აღნიშნული მონეტების სიუხვის გამო, ბევრი ახალი ეგზემპლარი კიდევ შესასწავლი და გამოსაქვეყნებელია. ჩვენი მიზანია, აღვწეროთ შაჰ აბას I-ის ვერცხლის სამონეტო ემისიების მხოლოდ ახალი ცალები და სახესხვაობები.

კახეთის სამეფოში საკუთარი ზარაფხანის არსებობის შესახებ პირდაპირ ცნობებს ირანელი ისტორიკოსი, ისქანდერ მუნში გვაწვდის – „შვიდი საქართველოდან კახეთმა, ქართლმა, მესხეთმა, რომელთა ურწმუნო ქართველები რჯულის მასახელებელთა ისერებით დაიხოცნენ, ქედზე მორჩილების უღელი დაიდგეს. იმათმა მმართველებმა ქვეშევრდომობა იკისრეს, იმ დიდებული ბატონის ხელიდან მიიღეს ძალაუფლება, ზარაფისა და ჯიზიას გადახდა დაივაღეს, ხუტბა იმ სახელოვანი და მაღალადგილოვანი ბატონის სახელზე აღავლინეს და ფულიც იმის სახელით დაამშვენეს“.²

¹ ადრეულ ქართულ წყაროებში მოხსენიებული, როგორც ბაზარი XV-XVI საუკუნეებში კახეთის სამეფოს მნიშვნელოვანი სავაჭრო-ეკონომიკური ცენტრი, ხოლო XVI საუკუნეში კახეთის სამეფოს დედაქალაქი იყო. დღევანდელი სოფ. ზაგამი (Zayam), აზერბაიჯანი.

² ისქანდერ მუნშის ცნობები საქართველოს შესახებ. ვ. ფუთურიძეს თარგმანი. თბ. 1964, გვ. 14.

ზაგემის ზარაფხანაში პირველი მონეტა თაჰმასპ I-ის (1524-1576) სახელზე მოიჭრა,³ აქედან მოყოლებული აქტიურად იწყება სამეწეო ემისიების გამოშვება. რაც შეეხება შაჰ აბას I-ის (1587-1629) ემისიებს, პირველად ფუნდამენტურად მკვლევარმა თ. ქუთელიამ აღწერა და გამოყო ორი სამონეტო ემისია, ნომინალებით აბასი (7,76 გრ.-7,5გრ.) და მუჰამმადი (3,8 გრ.).

პირველ ახალ სამონეტო ტიპს, რომელსაც ჩვენ შევეხებით, ნომინალით ერთ აბასს წარმოადგენს (სურ. 7, სურ. 8). აღწერილობა შემდეგნაირია:

შუბლი: ფიგურულ ჩარჩოში ჩასმული შიიტური რწმენის ფორმულა, ოღონდ აღნიშნულ ცალებზე სიტყვა رسول (მოციქულის) მაგივრად, ჩასმულია სიტყვა نبی წინასწარმეტყველი.

لا اله الا الله محمد نبی الله على ولی الله

არ არის ღმერთი გარდა ალლაჰისა, მუჰამმადი წინასწარმეტყველია ალლაჰისა, ალი თანაგამზრახია ალლაჰისა.

სეგმენტებში 12 იმამის სახელი: حسين محمد / على / على جعفر محمد / حسن / على موسى / على حسن محمد

ალი, ჯაფარი, მუჰამედი / ჰუსეინი, მუჰამედი, ალი / ალი, ჰუსეინი, მუჰამედი / ჰუსეინი, ალი, მოსე (მუსა).

ზურგი: ცენტრში სწორკუთხა ოვალური ჩარჩოში მოთავსებულია შემდეგი წარწერა:

شاه بنده ولايت عباس ضرب زغم


ქვეყნიერების მეფის მონა აბასი, იჭედა ზაგემს.

ჩარჩოს თავზე წარწერა: გაახანგრძლივოს ღმერთმა მისი მმართველობა
حک الله ملكه

ჩარჩოს ქვემოთ: მისი ძალაუფლება, მისი სამართლიანობა და მისი მოწყალება

سلطانه وعده واحسانه

³ თ. ღუნდუა, გ. ღუნდუა. ქართული ნუმიზმატიკის კატალოგი. IV ნაწილი. თბ. 2015, გვ. 16.



სურ. 1

მონეტის რეკონსტრუქცია

საინტერესოა, რომ აღნიშნულ მონეტაზე ქალაქ ზაგემის დამწერლობა, რომელიც სტანდარტულისგან საგრძნობლად განსხვავდება. იგი დაწერილია არა **گ** ან **گز** (აგრეთვე სახელის სპეციფიკური დამწერლობა), როგორც ეს თ. ქუთელიას აქვს აღწერილი,⁴ არამედ როგორც ერთმანეთისგან დამოუკიდებლად ვერტიკალურად დაწერილი ასოები. ასო მიმ-ს (م) წაგრძელებული აქვს კუდი რომელზეც მოთავსებულია ასოები.



სურ. 2

ან შეიძლება მეორე მოსაზრებით, აღნიშნული ასო მიმ-ის წაგრძელება მივიჩნიოთ ალფად (ا), ხოლო დამწერლობის სახე კი შემდეგნაირად **ا**კ. თუმცა, პირველი ვარიანტი უფრო სარწმუნოდ მიგვაჩნია. უშუალოდ მონეტა ნასხის დამწერლობით არის შესრულებული, ხოლო ჰიჯრით თარიღი არ არის დატანილი.

საინტერესოა კიდევ ერთი ახალი მონეტა (სურ. 9), ნომინალით ერთი აბასი, რომელსაც აგრეთვე ზემოთ ნახსენები, ზაგემის სახელის, სპეციფიკური დამწერლობა აქვს. ზარაფხანის სახელი - **گ**კ გრაფემებით - „ზგმ“ (ზა-

⁴ Т. С. Кутелия. Грузия и сефевидский Иран. Тбилиси 1979. გვ. 16-20.

გემ) დაწერილია შემდეგნაირად - گمز გრაფიკებით „გმზ“. მონეტა დაზიანებულია და არ ახლავს მოჭრის თარიღი. მონეტის აღწერილობა:

წონა – 7,67გრ.


შუბლი: შიიტური რწმენის ფორმულა – არ არის ღმერთი გარდა ალ-ლაჰისა, მუჰამადი წინასწარმეტყველია ალლაჰისა, ალი თანაგამზრახია ალ-ლაჰისა.

لا اله الا الله محمد نبي الله على ولي الله

ზურგი: ცენტრალური წარწერა - ქვეყნიერების მეფის მონა აბბასი, იჭედა ზაგემს.

شاه بنده ولايت عباس ضرب گمز

ვიძლევიტ მონეტის რეკონსტრუქციას:




სურ. 3

როგორც ზემოთ აღვნიშნეთ, თ.ქუთელიამ თავდაპირველად აღწერა ზაგემში მოჭრილი ვერცხლის მონეტების ორი ნომინალი (აბბასი და მუჰამადი) თუმცა, ბოლო აღმოჩენებით, კახეთში სეფიანთა მონეტების ახალ ეგზემპლარებთან⁵ ერთად, ახალი ნომინალებიც აღმოჩნდა.

მათ შორის ჩვენ მიერ აღწერილი ახალი სამონეტო ტიპის ახალი ნომინალი - ერთი შაჰი (სურ. 10), რომელიც ერთი აბბასს წარმოადგენს, მონეტის ლეგენდების მნიშვნელობა სურ. 7 და სურ. 8 მონეტის ინდეტურია.

⁵ И. Пагава, С. Туркия. Новые данные о Чеканке Сефевидской монеты в царстве Кахети. Расмир: Восточная нумизматика. 1-я международная конференция. 29-31 июля 2011 г. ред. И. Пагава, В. Безпалько. Одесса: ТДМ. 2013, гл. 105-112.

წონა 1,83 გრ. დიამეტრი 15 მმ. მონეტა გახვრეტილია, რაც ძველად
საკმაოდ ხშირი მოვლენა იყო, განსაკუთრებით აღმოსავლეთში.⁶ კიდევით
რეკონსტრუქციას:



სურ. 4

დახვეწილი კალიგრაფიით არის შესრულებული კიდევ ერთი ახალი
სამონეტო ტიპი (სურ. 11), ნომინალით - ერთი შაჰი. რომელსაც აგრეთვე
არ გააჩნია თარიღი.

წონა- 1,98 გრ. დიამეტრი 15,3 მმ.

შუბლი: წრიულ ჩარჩოში მოთავსებულია შიიტური რწმენის ფორმუ-
ლის ნაწილი

على ولي الله

წრიული ჩარჩოს ირგვლივ რწმენის ფორმულის დანარჩენი ნაწილი

لا اله الا الله محمد نبي الله


ზურგი: ცენტრალური ლეგენდა: ქვეყნიერების მეფის მონა აბასი, იჭ-
ედა ზაგემს.

شاه بنده ولايت عباس ضرب زگم

ჩვენ მიერ ზემოთ აღწერილი მონეტები შესრულებული იყო სტანდარ-
ტული დამწერლობით, მაგრამ ხშირად შაჰ აბას I-ის სახელით მოჭრილი

⁶ XVII-XVIII საუკუნეებში საქართველოს ტერიტორიაზე არა ერთი შემთხვევაა დაფიქსირე-
ბული ვერცხლის მონეტების, მათი მიმოქცევიდან ამოღების შემდეგ, საყოფაცხოვრებო ნივთე-
ბად გადაკეთების. მაგალითად, ჩვეულებრივ მოსართავებად, კულონებად, ღილებად, საყურეებად
და ა.შ. რაც, განსაკუთრებით ხშირია დაბალი ნომინალის მქონე მონეტების შემთხვევაში.

მონეტები საკმაოდ უხეში სიქით არის დამზადებული, რის გამოც მონეტებზე ლეგენდები ცუდად არის დატანილი. ეს კარგად ჩანს ერთი შაჰის ნომინალის ახალ ქვეტიებზეც. ვიძლევი რეკონსტრუქციას (სურ. 5):



სურ. 5

წონა - 1,73 გრ. დიამეტრი - 14,9 მმ. თარიღი არ იკითხება.

საყურადღებოა, რომ აღნიშნულ მონეტაზე დარტყმულია მხოლოდ ორი განსხვავებული ზურგის მხარე, ხოლო შიიტური რწმენის ფორმულა, რომელიც ჩვენ მიერ აქამდე განხილულ ყველა მონეტაზე გვხვდებოდა, საერთოდ ამოღებულია. აღნიშნული ცალი ნომინალით ერთი აბასი ჯერ კიდევ მკვლევარ თ. ქუთელიას აქვს აღწერილი, მაგრამ მისი უფრო დაბალი ნომინალური ერთეული ერთი შაჰი (სურ. 12) აქამდე ცნობილი არ იყო.

აბას I-ის აღნიშნული ემისიებიდან ჩვენ მივაკვლიეთ კიდევ ერთი ახალ ქვეტიას ნომინალებით ერთი აბასი (სურ. 13), წონა - 7,4 გრ., დიამეტრი 24,7 მმ., აგრეთვე ნომინალით ერთი შაჰი (სურ. 14), წონა - 1,85გრ., დიამეტრი - 16,9მმ., რომელებიც გაცილებით უხეში სიქებით არის შესრულებული, მაგრამ ორივეს შერჩენილი აქვს მოჭრის თარიღი - 1011 წელი ჰიჯრით (=1602 წ.), რომელიც უმეტეს შემთხვევაში მონეტების ცუდი შენახულობის გამო არ იკითხება. მონეტაზე არსებული სხვა ლეგენდები სტანდარტულია და არ შეიცავს რაიმე სახის სიახლეს ან სახესხვაობას.

შაჰ აბას I-ის ლაშქრობების შემდეგ კახეთის სამეფოს ეკონომიკური აღმავლობა საგრძნობლად და დიდი ხნით დაქვეითდა. რა თქმა უნდა, კრიზისი შეეხო ქალაქ ზაგემასაც, რომელმაც დროთა განმავლობაში დაკარგა ეკონომიკურად მნიშვნელოვანი ქალაქის სტატუსი, დაკნინდა და გაუკაცრიელდა. თუმცა დიდი ხნის განმავლობაში ქ. ზაგემის სახელი ცნობილი იყო არამხო-



სურ. 7



სურ. 8



სურ. 9



სურ. 10



სურ. 11



სურ. 12



სურ. 13



სურ. 14

Evgeni Chanishvili

Ivane Javakhishvili Tbilisi State University, Georgia

David Alexanian

Member of Oriental Numismatic Society

THE NEW COINS OF ABBAS I FROM THE MINT OF ZAGEMI

Summary

From the 16th century another mint, Zagemi, started to operate in Georgia. Recent studies have shown that the mint left a rich monetary heritage, both in silver and copper emissions. Its new specimens are actively being published in many scholarly works, but a lot of new coins are yet to be studied. Our goal is only to describe the new specimens of the silver coinages of Abbas I and present their history.

The first coin in Zagemi was minted by the Persian Shah Tahmasp I. Since that time, the city started to circulate its own coins. The main source about that is shown from the works of Persian historian of Turkmen origin Iskandar Munshi, where he reports that Georgian kingdoms were conquered, and the kingdoms of Kakheti, Kartli and Meskheta minted coins in the name of their master (conqueror).

The first work about the coins of Kakheti kingdom (eastern Georgia) belongs to T. Kutelia, who perfectly describes the newly found silver Zagemi coins (and also the coins of Abbas I) and allocated the two main denominations – one abbasi (weighting ca. 7.76 g.-7,5 g.) and one muhammadi (weighting ca. 3.8g.).

The first new type of the coin which we want to describe is one abbasi (pic.7; pic.8) with no year of issue.

Av. Shia religious formula in four lines, where the word رسول (messenger) was changed by نبي (prophet).

– There is no God but Allah alone, Muhammad is the prophet of Allah, ‘Ali is the wali of Allah.

لا اله الا الله محمد نبي الله على ولي الله

Rv. In the center Persian text – Slave of the king of purity, Abbas, struck at Zagemi.

بنده شاه و لایت عباس ضرب زگم

Around another Persian formula and the names of twelve Shia Imams.

The unique in that coin is the way how the name of Zagemi is depicted. All letters are written separately and placed on the elongated ending of the letter mim - م (pic. 2). The description of that word on Abbas I's coins by T. Kutelia, it was known as زگم or گمز.

Also new researches show that the coins in the name of Abbas I were struck in another denomination – one shahi (1/4 of abbasi). We found an almost identical coin to what we have described (pic. 7, pic. 8) above (one abbasi), but which is of shahi (pic.10) denomination (weight 1.98 g.).

Also, another new coin with shahi denomination (1.73 gr.) is interesting (pic. 12), as it also does not have the date of issue. Two different dies were used, while the Shia creed of faith was removed.

The last type (two coins), which we describe, are in two different denominations: one abbasi (pic.13) and one shahi (pic14). It is notable that both of them contain the minting date as 1011 AH. (= 1602) which is rare due to the bad condition of those coins.

As a conclusion, it could be said that Zagemi was the main strategic city in Kakheti kingdom, which is clearly shown on the Ottoman map (pic. 6). However, after the conquests of Abbas I, Kakheti kingdom weakened mainly due to the crisis in the capital Zagemi. The city gradually lost its economic importance and was later on deserted. But the huge heritage left by the Zagemi mint still has to be well researched.